



Broj: 01-04-19798-2/26
Sarajevo, 22.4.2026. godine

Na osnovu člana 66. Stav (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 15. stav (1) tačka b) Uredbe o dodjeli transfera neprofitnim organizacijama i pojedincima iz Budžeta Kantona Sarajevo (Službene novine Kantona Sarajevo", br.: 22/21, 13/22, 21/24, 10/25 i 6/26), a u vezi sa Odlukom Vlade Kantona Sarajevo o usvajanju Programa utroška sredstava Kabineta predsjedavajućeg i zamjenika predsjedavajućeg Skupštine Kantona Sarajevo za 2026. godinu, broj: 02-04-12629-13/26 od 2.4.2026. godine ("Službene novine Kantona Sarajevo", broj: 15/26), šefica Kabineta predsjedavajućeg i zamjenika predsjedavajućeg Skupštine Kantona Sarajevo, donosi

U P U T S T V O

za podnosiocе prijave na Javni poziv za finansiranje/sufinansiranje aktivnosti/programa/projekata neprofitnih organizacija koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo iz Budžeta Kantona Sarajevo za 2026. godinu, (u daljem tekstu: Javni poziv), sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet).

I PREDMET JAVNOG POZIVA

- (1) Predmet Javnog poziva je finansiranje/sufinansiranje aktivnosti/programa/projekata neprofitnih organizacija koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo iz Budžeta Kantona Sarajevo za 2026. godinu sa razdjela Kabineta.
- (2) Javni poziv se raspisuje sa općim ciljem afirmacije pozitivnih društvenih vrijednosti i obezbjeđenja pristupa i raspolaganja budžetskim sredstvima na principu zakonitog, namjenskog, transparentnog i efikasnog finansiranja/sufinansiranja neprofitnih organizacija iz Budžeta Kantona Sarajevo za 2026. godinu sa razdjela Kabineta.
- (3) Shodno ciljevima iz stava (2), prilikom razmatranja pristiglih prijava cjeniti će se naročito kvalitet planiranih aktivnosti i metode provođenja koje su usko povezane sa razvojem i afirmacijom Kantona Sarajevo, kao i one prijave koje imaju razrađen i specifičan budžet sa informacijama o ukupnom iznosu finansijskih sredstava potrebnih za provođenje aktivnosti/programa/ projekata, iznosu koji se traži od Kabineta, iznosu koji se za provođenje očekuje ili koji je već odobren od drugih davaoca sredstava(sufinansiranje) ili od drugih donatora, iznosu vlastitih sredstava koje će podnosilac prijave sam uložiti u provođenje projekta, direktne troškove provođenja projekta razrađene po izvorima finansiranja, te indirektno troškove provođenja projekta.
- (4) Projekti/programi/aktivnosti u kojima nema konkretne korelacije između planiranih sadržaja i afirmacije i razvoja Kantona Sarajevo, kao i oni gdje je budžet naveden paušalno, bez razrade i navođenja pojedinačnih stavki neće moći dobiti sredstva na osnovu Javnog poziva.
- (5) Na osnovu ovog Javnog poziva neće se finansirati projekti/programi/aktivnosti onih aplikanata koji nisu opravdali niti dostavili finansijski izvještaj o utrošku budžetskih sredstava u cijelosti za odobreni projekat/program/aktivnost u prethodnom periodu.
- (6) Sredstva za realizaciju tekućih transfera po osnovu Javnog poziva osigurana su u Budžetu Kantona Sarajevo za 2026. godinu na razdjelu Kabineta predsjedavajućeg i zamjenika predsjedavajućeg Skupštine Kantona Sarajevo u ukupnom iznosu od 206.000 KM.

- (7) Ciljna grupa su neprofitne organizacije čiji projekti/programi/aktivnosti doprinose razvoju i afirmaciji Kantona Sarajevo i provode se na području Kantona Sarajevo.
- (8) Odobrena sredstva za realizaciju troškova programa/projekta/ aktivnosti koristiće se za:
 - a) administrativne troškove maksimalno do 30%
 - b) projektne aktivnosti minimalno 70%.
- (9) Neprihvatljivi troškovi koji se ne mogu finansirati/sufinansirati dodijeljenim sredstvima se odnose na troškove koji nisu predviđeni budžetom projekta korisnika sredstava, odnosno troškovi nevezani za projekat (kamate, provizije, pokloni i sl.)
- (10) Pravila vidljivosti prilikom provođenja programa/projekta/aktivnosti odnose se na obavezu objavljivanja informacije o finansiranim /sufinansiranim aktivnostima/projektu/programu na način definisan ugovorom o dodjeli transfera kroz različite načine (na službenim internet stranicama, putem medija, brošura, konferencija na određenu temu, te publikacija vezanih za određeni program.
- (11) Shodno članu 39. Zakona o izvršavanju Budžeta Kantona Sarajevo za 2026. godinu i shodno članu 2. (stav f.) Uredbe o dodjeli transfera neprofitnim organizacijama i pojedincima iz Budžeta Kantona Sarajevo (Službene novine Kantona Sarajevo", broj: 22/21, 13/22, 21/24, 10/25 i 6/26 - u daljem tekstu: Uredba), davaoc sredstava će uključiti načelo rodno odgovornog budžeta u program utroška sredstava i u izvještaje o utrošenim sredstvima te obavezati korisnike tekućih transfera da uključe rodni aspekt prilikom rasporeda sredstava, kao i prilikom izvještavanja o namjenskom utrošku dodijeljenih sredstava sa pozicije Kabineta.
- (12) Kabinet predsjedavajućeg i zamjenika predsjedavajućeg Skupštine Kantona Sarajevo nije u obavezi da finansijski podrži prijavljeni projektni prijedlog, iako ispunjava formalno-pravne uslove.

II PRAVO PRIJAVE, ROK I NAČIN DOSTAVLJANJA PRIJAVE NA JAVNI POZIV

- (1) Pravo prijave na Javni poziv imaju neprofitne organizacije čije aplikacije doprinose razvoju i afirmaciji Kantona Sarajevo i provode se na području Kantona Sarajevo.
- (2) Krajnji rok za podnošenje prijave je **15 (petnaest) dana od dana objavljivanja Javnog poziva** u dnevnim novinama i na web stranici davaoca sredstava.
- (3) Prijava sa odgovarajućom dokumentacijom podnosi se u zatvorenoj koverti na čijoj poledini obavezno treba navesti ime podnosioca prijave, adresu, kontakt telefon i može se predati lično na protokol Kantona Sarajevo ili poslati preporučeno poštom **na adresu:**

KANTON SARAJEVO
Kabinet predsjedavajućeg i zamjenika predsjedavajućeg Skupštine Kantona Sarajevo
Ulica Reisa Džemaludina Čauševića br.1
71000 Sarajevo
JAVNI POZIV

Sa naznakom: "Prijava na Javni poziv za finansiranje /sufinansiranje programa/projekata/aktivnosti neprofitnih organizacija za 2026. godinu (Ne otvaraj – Otvara Komisija)

Ukoliko se prijava predaje lično na protokol Kantona Sarajevo, za računanje rokova relevantan je dan predaje prijave na protokol, a u slučaju slanja prijave poštom, relevantan je datum predaje pošiljke na poštu.

III KRITERIJI ZA DODJELU SREDSTAVA

(1) OPĆI KRITERIJI

- (1) Opći kriteriji utvrđeni su u članu 15. Uredbe. Cijeneći navedenu odredbu, Javnim pozivom utvrđena je potrebna dokumentacija kojom se dokazuje ispunjenost općih uslova.
- (2) Podnosioci prijave mogu aplicirati na Javni poziv sa jednim projektom.
- (3) S ciljem izbjegavanja nedoumica prilikom prikupljanja i dostavljanja dokumentacije, ostavlja se mogućnost pojašnjenja u direktnoj komunikaciji sa Kabinetom.
- (4) Sastavni dio dokumentacije Javnog poziva su obrasci prijave, izjava ovlaštenog lica podnosioca prijave (neprofitne organizacije) na koje nije preneseno javno ovlaštenje, izjava ovlaštenog lica podnosioca prijave



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>
E-mail: aida.arap@skupstina.ks.gov.ba

(neprofitne organizacije), obrazac narativnog i finansijskog izvještaja, koji će biti dostupni na internet stranici davaoca sredstva uz tekst Javnog poziva, kao i ovo Uputstvo.

(5) Obzirom da je jedan od općih uslova i uredno ispunjavanje svih obaveza iz prethodno zaključenih ugovora o finansiranju /sufinansiranje iz budžetskih sredstava (ili po osnovu ranije dodijeljenih sredstva, ako nisu zaključivali ugovore), utvrđena je obaveza dostavljanja ovjerene izjave o ispunjenju obaveza kako je prethodno navedeno.

(6) Pored ove izjave, Komisija zadržava pravo da izvrši dodatne provjere kako bi utvrdila da li je utrošak sredstava i izvještavanje izvršeno u skladu sa prethodno preuzetim ugovornim obavezama.

(2) POSEBNI KRITERIJI

Posebni kriteriji utvrđeni su u članu 15. tačka d) Uredbe. Cijeneći navedenu odredbu, Javnim pozivom utvrđena je potrebna dokumentacija kojom se dokazuje ispunjenost posebnih uslova.

IV POSTUPAK ADMINISTRATIVNE PROVJERE PRIJAVA I ODABIRA PROGRAMA/PROJEKATA/AKTIVNOSTI

- (1) Rukovodilac davaoca sredstava, donošenjem rješenja, imenovat će komisiju za provođenje Javnog poziva, u skladu sa članom 16. Uredbe.
- (2) U skladu sa članom 11. Uredbe i na osnovu Rješenja o imenovanju Komisije, a prije početka rada, predsjednik, svi članovi komisije i sekretar potpisat će izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije, sa sljedećim sadržajem:
Ja, _____, kao član/ica Komisije za provođenje Javnog poziva za dodjelu transfera neprofitnim organizacijama za finansiranje/sufinansiranje aktivnosti /programa/projekata iz Budžeta Kantona Sarajevo za 2026. godinu sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo objavljenog dana _____, pod punom moralnom, materijalnom i krivičnom odgovornošću izjavljujem:
 - a) da nisam lično i /ili članovi porodice (bračni ili vanbračni drug,dijete ili roditelj)nisu zaposlenici, članovi upravnog tijela ili rukovodioci kod podnosioca prijave.
 - b) da nisam povezan na bilo koji način sa podnosiocem prijave ni kod drugih lica (partnerski odnos u u provođenju programa i projekata i sl.)
 - c) da nemam materijalni ili nematerijalni interes u odnosu na javni interes i to u slučajevima porodične povezanosti, ekonomskog, političkog ili drugog zajedničkog interesa.
 - d) da se lično i/ili članovi porodice ne nalaze u sukobu interesa
 - e) da nemam ličnih interesa kojima mogu utucati na nepristrasnost rada Komisije čiji sam član.
 - f) da ću u obavljanju dužnosti na koju se imenujem postupati časno, pošteno, savjesno, odgovorno i nepristrano.
 - g) da ću čuvati povjerljivost podataka i informacija.
 - h) da ću čuvati vlastitu vjerodostojnost i dostojanstvo dužnosti koja mi je povjerena od strane davaoca sredstava.
- (3) Komisija će postupati shodno članu 17. Uredbe, te u skladu sa odredbama rješenja o imenovanju i poslovnika o radu koji se donosi na prvoj sjednici Komisije.
- (4) Komisija može pristigle prijave provjeravati i na druge načine koje smatra primjerenim (komunikacija sa drugim organima i slično).
- (5) Uz rangiranje prijava, Komisija će ujedno utvrditi jasne i mjerljive kriterije u cilju adekvatnog ocjenjivanja aplikacija i utvrđivanja iznosa sredstava koji će se dodijeliti za jedan program/projekat/aktivnost. Komisija će izraditi prijedlog odluke o dodijeli transfera neprofitnim organizacijama za finansiranje/sufinansiranje programa/projekata/aktivnosti na osnovu zbirne liste ocijenjenih prijava sa iznosima.
- (6) O cjelokupnom provedenom postupku Komisija će izraditi izvještaj, a o svakoj održanoj sjednici zapisnike. Izvještaj sa svim zapisnicima, nakon okončanja poslova i zadataka, dostavljaju se rukovodiocu davaoca sredstava.



V IZJAVLJIVANJE PRIGOVORA

- (1) U skladu sa članom 18. Uredbe, podnosioci prijave imaju pravo na izjavljivanje prigovora, osim ako prijava nije odbijena kao nepotpuna, neblagovremena i neuredna, a razlozi zbog kojih se prigovor može podnijeti, način i rokovi za njegovo podnošenje biće objavljeni u tekstu Javnog poziva.
- (2) Prigovor se izjavljuje u pisanom obliku, sa pozivom na broj obavijesti i jasnom naznakom razloga zbog kojih se osporava odluka davaoca sredstava.
- (3) Prigovor se dostavlja lično na protokol Kantona Sarajevo ili preporučeno poštom na adresu :

KANTON SARAJEVO
Kabinet predsjedavajućeg i zamjenika predsjedavajućeg Skupštine Kantona Sarajevo
Ulica Reisa Džemaludina Čauševića br.1
71000 Sarajevo
Sa naznakom :
"Prigovor na Javni poziv"
(Ne otvaraj)

VI ZAKLJUČIVANJE UGOVORA

U skladu sa članom 19. Uredbe propisani su elementi sadržaja ugovora koji je davalac sredstava u obavezi potpisati sa korisnicima sredstava.

Ugovorom će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, te neprihvatljivi troškovi, koji se ne mogu finansirati.

Svaki ugovor o dodijeli sredstava sa pozicije Kabineta predsjedavajućeg i zamjenika predsjedavajućeg Skupštine Kantona Sarajevo sadrži i odredbe kojima se utvrđuje obaveza sa rokovima korisnika sredstava da dostavi narativni i finansijski izvještaj o namjenskom utrošku sredstava doznačenih iz Budžeta na propisanom obrascu.

VII TRANSPARENTNOST I VIDLJIVOST AKTIVNOSTI

U skladu sa članom 20. Uredbe, s ciljem postizanja ključnih vrijednosti na kojima se pomenuta Uredba zasniva, a što je definisano članom 2. iste, davalac sredstava objavljuje podatke o dodijeljenim transferima i vrši unos istih u uspostavljene Registre transfera neprofitnim organizacijama iz Budžeta Kantona Sarajevo.

VIII PRAĆENJE PROVOĐENJA AKTIVNOSTI/PROGRAMA/PROJEKATA

U skladu sa članom 21. Uredbe davalac sredstava može pratiti i provodi evaluaciju provođenja finansiranja programa/projekata/aktivnosti u svim fazama dodjele sredstava na načelima proporcionalnosti i rizičnosti.

S tim u vezi, davalac sredstava će imenovati komisiju ili osobu za sprovođenje aktivnosti praćenja sa utvrđenim zadacima, shodno članovima 23., 24., 25. i 26. Uredbe.

U slučaju nenamjenskog trošenja budžetskih sredstava, kao i nedostavljanja izvještaja od strane korisnika, davalac budžetskih sredstava će, u skladu sa zakonskim i podzakonskim aktima, obavijestiti nadležno ministarstvo finansija i budžetsku inspekciju, kako bi se aktivirali mehanizmi povrata sredstava.

IX OBRADA I ZAŠTITA LIČNIH PODATAKA

Podnošenjem prijave na Javni poziv, podnosilac prijave daje saglasnost Kabinetu predsjedavajućeg i zamjenika predsjedavajućeg Skupštine Kantona Sarajevo za obradu dostavljenih ličnih podataka, kao i ličnih podataka drugih lica uključenih u postupak dodjele transfera neprofitnim organizacijama, u skladu sa Zakonom o zaštiti ličnih podataka („Službeni glasnik Bosne i Hercegovine”, broj: 12/25).

Lični podaci prikupljaju se i obrađuju isključivo u svrhu provođenja postupka po Javnom pozivu, uključujući administrativnu provjeru prijave, ocjenjivanje programa, projekata i aktivnosti, donošenje odluke o dodjeli sredstava, zaključivanje i realizaciju ugovora, vođenje evidencije korisnika sredstava, izvršenje plaćanja, praćenje realizacije i evaluaciju dodijeljenih sredstava.

Kabinet je dužan postupati sa ličnim podacima odgovorno i u skladu sa propisima kojima se uređuje zaštita ličnih podataka, te osigurati njihovu zaštitu od neovlaštenog pristupa, zloupotrebe ili neovlaštenog otkrivanja, uz poduzimanje odgovarajućih tehničkih i organizacionih mjera.



Lični podaci mogu se dostavljati nadležnim institucijama i trećim stranama isključivo u slučajevima i u obimu propisanom zakonom.

Podnosilac prijave saglasan je da se lični podaci dostavljeni u okviru prijavnice dokumentacije mogu koristiti i u svrhu vođenja službene evidencije, izvještavanja nadležnih institucija, kao i objave podataka o dodijeljenim sredstvima u skladu sa propisima o transparentnosti utroška javnih sredstava.

Lica čiji se lični podaci obrađuju imaju pravo na pristup, ispravku, brisanje i ograničenje obrade ličnih podataka, u skladu sa Zakonom o zaštiti ličnih podataka („Službeni glasnik Bosne i Hercegovine”, broj: 12/25).

X OBAVEZA OBAVJEŠTAVANJA O PROMJENAMA

Korisnik sredstava **obavezan** je da u roku od **8 dana** od nastanka promjene obavijesti davaoca sredstava o:

- promjeni adrese sjedišta,
- promjeni ovlaštenih lica,
- promjeni broja transakcijskog računa, kao i statusa računa (solventnosti), u suprotnom će snositi odgovornost za sve pravne, finansijske i druge posljedice nastale usljed neblagovremenog obavještanja.

XI OKVIRNI KALENDAR PROVOĐENJA POSTUPAKA

U skladu sa Godišnjim planom javnih poziva Kabineta predsjedavajućeg i zamjenika predsjedavajućeg, definisat će se planirano vrijeme objave Javnih poziva.

Trajanje samog postupka, prevashodno će zavisiti od broja pristiglih prijava, broja uloženi prigovora, ali i drugih objektivnih razloga.

Godišnji plan Javnih poziva biće dostupan na službenim stranicama davaoca sredstava nakon usvajanja Budžeta Kantona Sarajevo za tekuću godinu.

Napomena:

Svi obrasci i izjave, neophodni za apliciranje, mogu se naći na službenim stranicama davaoca sredstava: <https://skupstina.ks.gov.ba/aktuelnosti/skupstina>

Za sva eventualna pitanja i pojašnjenja aplikanti se mogu obratiti Kabinetu predsjedavajućeg i zamjenika predsjedavajućeg Skupštine Kantona Sarajevo na tel. 033/562-044 ili 033/562-051 ili 033/562-298.

